



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 19/07/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Konsumenteschutz & Kommunikatioun a Medien weiderzeleeden.

Eng Réi parlamentaresch Ufroen an Däitschland hunn opgeworf, dass déi däitsch Bundesregierung sech iwwert de Bundesnachrichtendienst een Accès op Sproochassistenten a Privatstéit verschafe kann, ob Alexa, Siri oder Google. Verschidde Sproochassistenten zeechnen net nëmmen d'Befeeler op, déi de Besëtzer him gëtt, mee lauschteren permanent ouni Zoustëmmung d'Ëmgéigend of. Falls dës Methodik wouer ass, handelt et sech ëm een déiwen Agrëff an déi europäesch a lëtzebuergesch Grondrechter souwéi eng Verletzung vum Konsumenten- an Dateschutz.

Dowéinst, dass d'Regierung sech opgrond vum SREL-Gesetz net öffentlech zu Froen betreffend dem Fonctionnement vum SREL äussere kann, beschränken ech meng Froen op d'Eegenschafte vu Sproochassistenten, déi éischer an d'Kategorie vum Konsumenten- an Dateschutz falen, och wann eng Ausnotzung vu staatlechen Instanzen, wéi dem SREL, natierlech besuergneserreegend ass.

An deem Zesammenhang wéilt ech de Ministeren dës Froe stellen:

1. Besëtzt d'Madamm Konsumenteschutzministesch Kenntnis dovunner, dass Sproochassistenten, déi zu Lëtzebuerg ugebuede ginn, permanent Daten iwwert hirt Ëmfeld asammelen, och wann de Benotzer guer net domadder informéiert ass? Kann d'Ministesche d'Existenz vun der Praxis confirméieren? Wäert si heizou zu Lëtzebuerg investigéieren?
2. Ass d'Madamm Ministesch fir Konsumenteschutz der Meenung, dass een als Verbraucher ee Recht dorobber huet iwwert all d'Informatioun an Eegenschafte vun engem Produkt am Virfeld Bescheed ze wëssen?
 - Ass dëst beim Gebrauch vu Sproochassistenten, wéi bei Alexa, de Fall?
3. Deckt eng Zoustëmmung vun den AGB of, dass de Sproochassistent och ausserhalb vun der Notzung d'Ëmgéigend ouni Begrenzung oflauschtere kann? Ass des Praxis konform mam Dateschutzgesetz vun 2018 an dem EU-Dateschutzreglement vun 2016?
4. Ass d'Regierung der Meenung, dass Produkter, déi zu Lëtzebuerg verdréiwwe ginn, dat lëtzebuergesch Dateschutzgesetz vun 2018 befollege mussen?
5. *Bei digitalen Inhalter existéieren aktuell eng Unzuel u Variablen bei deenen d'Gesetzter iwwert de Konsumenteschutz oder den Dateschutz un hir Grenze stoussen, dorënner zum Beispill Serveren, déi ausserhalb vun der EU stinn a bei deenen den Dateschutz net gräift oder de Fakt, dass vill digital Produkter vu Firmen*



www.piraten.lu



Sensibilité politique
Boîte postale 83
L-7201 Bereldange

ausserhalb der EU stamen an esou d'Konsumenteschutzreegelen heiansdo ausgehiewelt ginn.

Ass d'Regierung der Meenung, dass mir zu Lëtzebuerg souwéi an der EU mat Bezuch op digital Produkter

1. aktuell eng ausreechend Rechtslag am Dateschutz souwéi am Konsumenteschutz besëtzen? Falls jo, wéiass de genannte Fall vun de Sproochassistenten ze erklären?
2. aktuell déi néideg Kapassitéite besëtze fir d'Rechter vum Dateschutz a vum Konsumenteschutz hei duerchzesetzen?

Mat déiwem Respekt,

GOERGEN Marc
Député



www.piraten.lu